

任縣志卷之十二

知縣季 芷介菴重修

藝文

詩賦

九日陪沈大巡登高 邑人謝 旻

黃菊丹楓圖畫開  
盍簪翹待繡衣來  
深秋佳景逢新霽  
勝地良朋進好醅  
醉後忽疑康樂會  
吟成共訝謫仙才  
相看日暮難爲別  
驄馬何年得再陪

任縣志

卷之十二

一

張城蚤發赴洛郡 邑人高大經

誰言異地無知己  
到處關山便是家  
無限春光隨杖履  
時逢野老話桑麻  
草生馬道閒調轡  
花近蜂房早鬧衙  
客邸莫辭頻買醉  
王孫何處不天涯

憇清涼寺 高 經

炎暑停車汲井寒  
午風槐靜翠陰團  
勞勞南北馳驅客  
一度登臨三悟禪

陽八景

流水環漪 邑人謝 洙

潑廻百折自西來環繞宮墻毓異才清印東林奎閣  
月魚龍影動起春雷

宮墻靈井

謝洙

泮池東井聚星文天闢靈泉迥不羣夜半轆轤聞汲  
綆蟄龍驚起欲凌雲

蔡橋曉月

謝洙

天光水影月相同影在烟波光在空水月環橋爲一  
色舟人棹入畫圖中

章臺晚照

謝洙

任縣志

卷之十二

二

落霞淡蕩野雲寒徙倚平臺向晚看深樹紅光猶隱  
隱何須秉燭共追歡

東湖巨浸

謝洙

光搖銀漢落東洲泛泛隨波不繫舟沙白渚清鷗未  
起荻蘆深處見垂鈎

聖水靈泉

謝洙

甘泉如沸水源深古木干霄覆積陰靈雨不須呼蜥  
蜴神功自可配桑林

西劉烟柳

謝洙

落花飛絮滿雲天一路濃陰醉碧烟莫遣狂飈來野  
岸恐 柳浪逐鳴蟬

塔

謝 洙

七級 百 上方諸品悟無生幾回響徹雲霄  
外疑是鈞天奏 聲

飲謝少府蓮洲書院

甬東呂時臣

襄國偶爲客逢君澧水濱清秋安石第白日仲尼隣  
文字 三 林泉見一人依依惜朋好其奈念慈親

宿蓮洲書院却寄

和陽刁 甸

任縣志

卷之十二

三

歌舞聲中華燭熒去年曾宴此中庭主人愛客能容  
我時去時來幾醉醒

爲謝龍溪題蓮洲書院

邑侯羅文寶

愛蓮人去幾寒暄書院依然世澤存芟製不妨遊鹿  
豕荷房新見長兒孫河流不斷纓堪濯堂構逾高月  
可捫牘有濂溪君子意牡丹富貴謾須論

渚陽道中

長樂魏廣微

漸與故園近轉憐物候同仲春徧和氣東作有豳風  
河曲溶新水天高送遠鴻長征人正病猶在夕陽中

聞方瀛公祖駐節于此星馳相赴則已去二日  
矣悵然而作  
魏廣微

不憚宵征苦言尋物外盟難逢驄馬客羞入渚陽城  
黯淡看庭栢淒其聽曉鶯緘書投驛使悵望暮雲平  
超然亭對月柬中孚茂宰  
魏廣微

風定征車歇雲收片月來影穿雙樹合光散一亭開  
染翰塵機息裁詩逸興催高情憐地主春釀足行盃  
新秋憇超然亭紀懷  
金沙于文熙

行年半百鬢添星徙倚凭欄愧此亭雲影無心當戶

任縣志

卷之十二

四

出秋聲有意隔簾聽元神聊向丘中王野志偏耽物  
外經聞道故園松栢老何時共守歲寒青

超然亭次韻

毘陵顧顯仁

何處能逃暑超然得此亭樹光清不散蟬響靜堪聽  
月上樽初滿風來雨乍經况逢单父宰相對眼雙青

挽劉烈女

邑人謝國英

生不同室死同穴與君化作雙蝴蝶連理枝頭時共  
飛日月不磨終不滅

元旦任縣侯代

上黨程正己

雲物經年變韶華客路新禁烟猶說晉避世不須秦  
綠愧樽前栢紅愁塞外燐此時兩行淚寧爲故園人

附程僉憲記先司馬巡撫保定引告旋里侯  
代于任感懷賦詩情有忠慨時天啓乙丑也憶  
璇方舞象勺今忽忽又三十年矣璿復重承  
簡命備兵天雄每乘傳過此覺先司馬霜風亮節  
猶在人間愧墮家聲敢忘庭訓囚  
搜筭中遺藁伐石書之以識不忘

順治甲午菊月

男之璿百拜敬跋

贈季介菴北部左遷

武林孫治

漢庭公卿如積薪賢者名德常沉淪二十年來官未  
達大陸澤畔鳴清琴大陸之水流湯湯先生延余酌

任縣志

卷之十二

五

瑤觴清風習習拂左右北斗闌干城樓旁先生憂愁  
勿展轉襄國人人稱花縣明光 天子重中牟陸沉  
何須嘆曼倩他日抽身還五湖尚可同君飽蓴鱸

庚戌夏五過渚陽同季介菴趙子匡萬懷蓼張

逢伯登尊經閣

孫治

當年傑閣藏書府登眺猶然并幹高四望關河餘白  
練千年臺榭總青蒿西山接席雲霞曙砂磧橫空鳥  
雀號不淺驚人搔首句諸公皆已擅風騷

宿渚陽署中與任允言話舊

孫治

同是吳山戴鶡冠相逢猶說舊鹽官琴堂把酒人如  
昔槐樹流星夜欲寒大陸水流猶漫漫小山賦就又  
珊珊固知彭澤歸與與子三江把釣竿

由中丘過渚陽

語溪吳輅

久辭微祿傍沙鷗何事經年汗漫遊白雪獨教添兩  
鬢丹楓早已落三秋尋幽乍出蓬山路策蹇還臨渚  
水流昔日信臣今地主雨花深處肯相留

寓崇勝寺

吳輅

鄉夢雖連日依然蕭寺幽病餘猶健飯方弱不勝裘

任縣志

卷之十二

六

棋局愁能解文章老未休相看春又至何處問歸舟

過渚陽謁季介菴

李士崕

滿鞍秋霧衝津渡爲訪賢侯作賦才萊園泉源含舊  
潤田家婦子作新醅借恂百里棲鸞鳳題柱三台待  
雨雷一諾千金誰得似芳聲原自重蘭臺

壽同寅季介菴

鉅鹿  
邑侯荆振日  
雲陽  
人

玉價珠聲達御屏至今江上重文名星明正值茱萸  
近仙掌應浮綠蟻擎化瑟久調開壽域青鸞欲舞慶  
長生懸弧共有南山祝能使清歌滿渚城

過渚陽壽季夫子

山陰朱思睿

菊苑開樽日梅林薦鼎年漢官方雪藕太液已風蓮  
易朔逢初度高秋值九天晉陵一宦舞渚水兩岐連  
暫借鳧封譽重膺鳳詔宣公堂瞻紫氣百拜頌如川

渡大陸澤

邑侯季 芷

共說東湖風物幽同人此日渡扁舟平臺孤立亭亭  
晚隔岸遙看樹樹秋返照猶餘雙塔影迴波不盡九  
河流勞勞一雁惟南北何似鷗閒蘆荻洲

秋夜登城

季 芷

任縣志

卷之十二

七

秋到孤城畫角音遲遲退食獨登臨燈殘影落千門  
月風急聲高九月砧吠犬不聞村舍曲巢烏偏傍女  
墻陰已知聖世原無事長夜何妨舒嘯吟

再赴穆家口會議不果

季 芷

有約臨河口單車趨曉行路敲殘雪在野濶亂雲橫  
沉竈逢人語荒烟幾處生不勝時極目鴻雁每哀鳴

其二

季 芷

今日經過處堪憐三十村濁漳迴大澤短棹入平原  
敷土微臣力蠲租

聖主恩相逢猶築舍心事向誰論

壽制閩苗大生

季 芷

聖代昌期歌今日祥鍾渚水名賢山麟姿鳳質美丰  
儀胸羅象緯才無匹當年聲價重金門妙選清華晉  
榮秩冰壺藻鑑徹雲霞簡在 帝心勞宥密牙旌畫  
戟使天雄恩溥桑麻雨露濃玉壘岩疆還借寇瘡痍  
復起歸冥鴻凌烟早繪西川業曳履欣看到九重燕  
喜花明二月春長安大道天氣新紫霧氤氳飛五色  
記君已是懸弧辰瑶池芝檢啣青鳥仙部雲璈羽曲

任縣志

卷之十一

八

頻玉露金莖分太乙歡娛雜還多嘉賓念予俗吏風  
塵逐引領徒深千里目畫圖未得錦雲箋三言願效  
華封祝君不見崆峒山外日方升數紀仙籌添海屋  
又不見維岳呼嵩拜 紫宸箕疇黃髮膺枚卜

校士憇超然亭次韻

季 芷

校閱停煩牘幽然坐此亭砌驚殘葉墮茶沸小窓聽  
古碣詩難和寒空鳥乍經倚欄頻悵望踏破 苔青

荅謝郡丞送水仙花

季 芷

潞州司馬卧烟蘿貽我幽香助咏哦清與梅花同傲

雪矯如湘女欲凌波寒香占却江南早春色平添座  
右多一片冰心誰得似嗟嗟如晤碩人邁

壽謝郡丞

季 芷

烏衣門第勝仙班自是齊名元白間卓犖至今傳渤海  
嘯吟當日重壺關一籌更進知春近三祝新添放  
鶴間誰許賞心耽別 久已望東山

贈介菴季父母

鉅鹿董國祥

曾從西署裒清光近見彈 宓子堂三輔雷封需保障  
九重霖雨待循良波濤舊繡看顛倒襦袴新歌自

任縣志

卷之十二

九

播揚最是雲天稱厚德

已敝未全忘

贈季介菴

楊龍惕

廿載竒文京雒傳西曹入望重當年棠留閩海民歌  
父花滿畿南吏擬仙黍稻晝聞風入榻萑苻夜靜月  
窺筵于今最右循良牧公輔應須羨着鞭

同友人泛東湖

邑人謝 鑑

共泛晴光野興饒湖村滿目盡漁樵黃魚弄水翻新  
蓼白鳥依人狎畫橈柳絮霏微粘客袖春風貽蕩拂  
詩飄桃源亦是尋常事棹入烟波路未遙

咏八景排律

謝鑑

渚陽風景夙流芳有句難題引興狂  
城遠清波雲物幻泉渟古井泮  
芹香橋邊殘月雞聲白臺畔斜陽樹  
影蒼灑灑東湖疑震澤涓涓聖水似滄浪  
鶯啼柳浪停幽客雨雜晨鐘出上方  
爲問王維摹得否川今已屬吾鄉

泛東湖

邑人劉滋

縹渺湖光漾碧漣漫移小艇棹漁烟  
高情愧我非陶峴才思同人似謫仙  
網落春濤魚正美樹垂夕照柳

任縣志

卷之十二

十

初眠壺傾笑指前村晚花鎖柴門月滿船

春燈市

劉滋

火樹今宵燦誰人不興牽紫韉爭蹀躞  
紅粉亦駢闐星月非常夜笙歌別有天  
歸來殘榼在洗盞醉燈前

辛亥仲冬抵任縣

季檐曾

季侯次子

路入邢襄僻蕭蕭惟雁群荒城閉殘日孤旆漾寒雲  
燐火遙常見鷄聲暫亦聞閭閻復何似不忍立斜曛

署中憶梅

季檐曾

遙憶江村上梅花已滿林茅簷香裡月山鳥雪中音

嗟我三春客懷伊一夜心相思不可見魂夢繞吳岑

寄介菴季父母

廣平冀爾公

花滿疑潘令張城化日長君山瞻令望澧水拜循良  
襦袴歸琴韻烟雲入畫堂蘭臺虛右席舟鳳看翱翔

泛大陸澤

邑人李鳳翔

一幅雲林著此身桃源重過問津人烟凝晚照花添  
幔萍長春池鴨有茵幾片漁帆懸碧落數聲野鳥斷  
紅塵湖光浩渺渾難醉勃窣詩狂屢岸巾

新秋渚陽署中和荊玉馭 暨餘任以仁

任縣志

卷之十二

十一

俄驚一葉覺涼生落日孤城久客情不信強顏虛歲

月那堪搔首問陰晴

時任邑  
苦旱

槐庭月度光添白花幕

風迴氣自清憶鱸正肥歸未得應憐作賦有同聲

署中秋興同季任遠諸子限韻 任以仁

何事書空萬斛愁塞鴻南去又驚秋星流畫角連官  
舍風入清砧催客裘千里江關勞遠夢十年賓主尚  
遲留更堪爾我憐同病徙倚長吟月滿樓

辛亥除夕同署中諸友賦 任以仁

歲復今宵盡寒燈棐几前催詩同客興欲醉主人賢

憶別餘三載論交已十年不教安邑累那用買山錢

其二

任以仁

遊子何堪問雙親已八旬鄉書應蚤達歸夢未全貧

清暑笙歌發嚴城鼓角頻乾坤原不改明日喜更新

壬子元日

任以仁

雞籌初唱競芳辰雪碗香生薦五辛骨月故 避猗

望文朋異地轉相親琴堂已滿雲霞色花縣應多風

物新誰謂此鄉無驛信須知六日又逢春

人日喜晴同陳 區季任遠諸子步郊外

任縣志

卷之十二

十二

任以仁

每逢剪綵記前生緩步東 趁曉晴金管誰家翻令

慙香裙幾隊印沙輕風恬上苑添花信日煖踈林催

鳥聲共喜春回已昨日如何不繫故園情

遊崇勝寺

晉陵季宗曾

季侯姪

古寺依城北遊人到上方風高雲失樹殿僻鳥棲梁

烟景搖晴色鐘聲逗雨涼禪談霏五屑塵事總相忘

送楊滄綠歸晉陵

季宗曾

我欲送君行此心如懸旌我欲留君住君心欲歸去

今日尊前琴劍在來朝茅店與誰儔念故人兮一日  
三秋愴時事兮歸路悠悠孤雲惆悵空回首千里懷  
人月滿樓望爾金門來獻賦再圖良悟話離愁

署中九日漫賦

季宗曾

謾言三度客重陽極目登臨引興長楓葉已添今夜  
色菊花猶帶去年香一天風露開佳節萬里關河隔  
故鄉此日白衣誰送酒且教落帽共尋芳

遊雙塔寺

邑人鄭一麟

勝地開千乘廬山第幾傳雨花空見色雁塔自安禪

任縣志

卷之十二

十三

去住流雲意清虛入道緣閒來一乘輿相對欲忘年

過任城晤季介菴

晉陵楊天挺

憶昔雞鳴起舞時同聲誰不懷竒思惟君聽鹿兼諧  
鳳却似搏程萬里縱當年蒞閩馳青驄蒼黔畏志稱  
神龍忽騰秋雲炳西火已瞻粉署清華裹寒風陡烈  
濤生松嘯哦其下聲玲瓏石門洞開翠浪摺琴泉窟  
雪于茲集鳴高度北來任城甘雨隨車秋稼成載頌  
臺萊歌杞李德音蚤已傳帝里枯筇偶爾登燕山八  
景賦足幽然還目寓南雲在咫尺風前共笑顏如昔

依依柳色搖新晴長堤芾陰馬蹄輕

過雙鬢頭

晉陵季憲曾  
姪季侯

初人張城地前程第幾村鶴隨丹並去詩與碣猶存

相傳寒山拾得修煉于此有笑呵呵詩集傳世 駐馬看秋色逢橋問水源樵

歌將落日彷彿白雲屯

渚陽

韻

太倉王揆

襄國之渚陽土壤半礲确東北指大陸形如釜底

滏洺與百泉牛尾共雞脚皆河名支條九派分水勢相

犄角由來失故道疏濬罕方略旱則渴上流澇則爲

隣壑于茲守土者徃徃望而却吾兒捧檄來夙夜尚

不忤甲子當鞠凶春夏患流鑠麥苗盡槁枯溝澮胥

乾涸人情向時雨過時雨更惡七月布陰霾延至九

月朔連旬少日光狂霖恣噴薄决堤奔怒濤誰能共

挽縛野哭動村墟人牛都廢閣渺渺塔圮臺茫茫劉

任縣志

卷之十二

十五

累泊

皆村名

塵土變江湖田廬浸渾濁自古厄堯湯一

歲乃並作行將報兩災懼或干駁愚民見催科無

知易謠詠縣官處其間心神暗焦灼不敢罷徵輸何

忍事敲朴寬猛總無濟此苦人未覺發賑傾倉儲施

糜倒殘橐鳩鵠如堵墻千百群嗃嗃叟媪齊歛歔

羸強跣躍有時頑悍兒一一相搏攫秋冬已如此三

春命誰託百里斷炊烟何處食藜藿腐草漫充腸枯

楊皮盡剥相與淨菜根輒欲試斫斲竭蹶計拊循僅

足弭鹵掠卧署子共悲愕親朋話夜半搔

首費籌度

君恩渥賜蠲去年逋

下令停追捉新糧三免一寬徵蒙再酌萬戶戴

皇仁不死便為樂豈意夏秋交橫流甚於昨煙波

茫駸駸逼城郭

乙丑七夕前十日大雨諸河汎溢

哀此饑餓餘望洋

失魂魄呼天天不言人謀嘆力索有客謂吾兒君才

遇盤錯清貧衆所知賠累將安 余曰公無言壯子

行幼學我民若少蘇焉用辭艱劇考成幸無罪且亟

求民瘼何以集丁徒隄防更疏淪何以格神靈陽侯

勿肆虐士庶勉急公雨暘望時若

任縣志

卷之十一

十六

任縣一名渚陽邢州巖邑也其東北為大陸澤民嘗苦水西南土高沙厚民又畏旱故令於茲者無寧心亦無寧暑焉曩客瘦陶去此不百里竊稔知之乙丑六月自京返蜀來訪茂京明府因得拜其尊人芝廬先生時方阻雨侍杖良久先生本乙未名進士讀書樂道古誼殷殷照人一日出渚陽行見示受而讀之氣格高渾酷似北征南山諸什而一邑之形勢一歲之荒災以及聖天子之恩施賑恤賢令幸之撫輯憂勞胥子是乎在詩也而可為史矣倘以上之輶軒實足動九重之軫念先生可終秘之乎不以言為河漢乃即付諸梓人皆

康熙乙丑七夕成都後學金王再拜謹跋

丙寅夏日同王麓臺明府觀水大陸澤中即事

太倉錢 嘏

九河水利

堙未百年拯溺有心難繪

水救荒蕪策欲箋天紅蕖映日迎飛蓋  
鳥穿雲避 畫舫此地若教仍賦稅除非滄海盡桑田

至穆家口觀古滏河故道有感 錢 嘏

大陸源泉出太行下流何處達清漳  
野橋北望隆平 路當日滔滔古滏陽

渚陽民不歎其負漳滏通流此一渠大陸只今皆水  
害當年水利果何如

秋日歷臺南諸村觀水有觀

邑令王原祁

任縣志

卷之十二

十七

中流四顧悵平原到處蕭條水上村  
殘照頽垣倒影 動垂陰踈柳逐波翻  
三年漱灑無寒暑百里烟光失 曉昏不是尚方頻  
賑貸蒼生疾苦向誰論

聞比部奉 命將至大陸澤勸水二首

王原祁

一官四載嘆時窮澤國千村杼柚空  
正喜繪圖方抗 疏忽驚乘傳又觀風  
恩波縱使從天降水勢何由入 地中最是鷗鳧飛  
上下憂勞無計集哀鴻

其二

新綸捧出

勞手版通 叫寒汀秋水

白馬嘶斷

今日思陶

持節何人是

汲公大陸幾時疏故道悲涼心事望洋中

乙丑秋日麓臺王使君同至臺南諸村觀水

雲間鞠衣

渚陽直接九河流東北村墟半水浮放掉何如漁父  
樂望洋難慰老農憂哀鴻聲亂清漳月踈柳風殘古  
溢秋飢溺久知君繫念監門心事寫荒丘

出郭

長洲陸鑣

荒城榛莽遍郊垆渾雨淒風日杳冥漲水已連漳溢  
白濃雲猶罨太行青魚龍地逼違滄海鴻鴈巢翻逐

任縣志

卷之十二

十八

浪萍國計正煩謀節省可能籌策慰飄零

立夏歌

長洲陸鑣

入夏一日即炎熱隴麥欲雨愁焦枯采蕨盈掬苦不  
飽徵歛日迫頻追呼追呼無已時麥熟那有期安得  
及時好雨足不使流民泣路岐